



柳田文庫
文庫11
A1167
2



文庫11
A 1167
2



殺堂鷺津先生 名宣字重光別號蘓洲又號泉
橋外史江戶人文政八年乙酉生

春初雜吟

吉語丁寧維鵲傳滿檐晴日已春妍
戶前名刺風翻白點檢交遊倍去年

雙美讀書圖

玉軸紅籤歷綺帷書窓春靜漏聲遲
舉將青史善相諳卷裏英雄當嫁誰

論詩十二首

皆係物
故人

詩思拈出抄書餘一洗李王功不虛
但是枉尋難直

安政十一年
殺堂



尺絺章繪句竟何如

瑜亮當時見此公，冲懷樂善古人風。山陽老眼欠明
了，諸體惟推五字工。

詩酒風流老此身，生逢文教振興春。愛才推轂無公
若，宗派江東第一人。

揀金沙裏柰難披，僥倖成名彼一時。未造門牆况堂
室，白頭空讀渭南詩。

靈運何曾遜惠連，謝家骨肉盡英賢。一枝抽得縱橫
筆，關入方言句更圓。

刻意推敲混沌穿，官階詩品兩難全。虛名傳播雞林

遠獨媿其人非樂天

揚蔣抑素論，或當負心縷。縷費商量，詞壇老将多權
變。貶處偷拈一瓣香。

芬芳悱惻好風情，妙手獨彈雲和箏。一樣晚唐同雅
好，君彝那得較樞卿。

藻思超凡能吐奇，風流豈減少年時。名聲雖大家殊
小，妙在終身不刻詩。

前有如亭後細庵，每思賦命淚先含。何人借得巫陽
手，收拾詩魂俱一龕。

才華雋妙歷時流，佳處須從楊李求。竹枝一卷令人

艷紅粉青娥伴白頭

千言衝口忽風生角立爭雄有子成可惜大才仍小
累枉將醉放損詩名

房州客舍寄江戶諸交游

風太溫和日太妍花期合在襍辰前天紅冶翠春深
淺夢繞華巖色界天

題鈴木彦之詩集原四首

家在青山躬自耕隱情太重官情輕深宵負手觀乾
象一點少微天際明

聽水移雜吟十五首予時應結城侯請講經

其學館務即館中小齋予所寓也錄八

未曾送客出黌門自負書生道義尊只有梅花枝上
月迎將清影入高軒

現世才華是夙日筆頭觸處即成春四科以內論歸
宿游夏門前執鴈人

靜中愛聽煮茶聲日與風爐訂好盟一笑從來慣閑
坐人將閉戶目先生

唔伊纔斷玉絃鳴一帳梅花月正橫蓄妓後堂非我
分付他鄰女譜春聲

喋喋何須話說長靈犀一點徹胸堂持將衣鉢傳誰

輩此是人間選佛場

低首吾推蘓翰林知言記得感殊深雖然文筆退三

舍後五頃期五百金

恰到春頭鵬尾天慳慳小病未成眠江東佳味蛤蜊

節撩起饒心又破禪

黃紬被底夢闌珊鳥語聲聲破曉寒放學情懷如致

仕一簾晴影日三竿

料理草稿偶得一絕

幾卷詩篇理一回此中消息口難開行行塗抹硃砂
字結撰十年心血來

三樹賴先生 名醇字士春別號古狂生支峰先
生弟文政八年乙酉生

東游歸後同藤井雨香飲鴨涯旗亭

捲簾嵐翠落杯卮山水與人皆舊知飄蕩孤斟異鄉
酒七年風月在天涯

三十六峰依舊青與君詩格闢崢嶸慚吾文字無奇
氣踏盡毛人萬里程

小杜停車圖

兩河腥血帝狼屯制御無人用罪言寂寞孤吟紅葉
庭眼中風景近黃昏

題先人自畫長碕謠後

毫鋒觸處掃無遺，碧海蘭苕并入詩。
一去騎鯨仙跡逸，人間零落竹枝詞。

答某二首

履有芒鞋杖有藜，靈山無客不攀躋。
高人別揀金丹藥，白日飛昇跨紫霓。

立教先賢用意深，吹毛黃口枉侵尋。
王虛未實從君好，先領恤人憂世心。

讀史書感

英主求仙死即休，覆車前轍不回頭。
鮑魚一石臭纔

滅，又射長蛟東海遊。

南粵王頭懸北關，百蠻如草偃威風。
英雄氣為君看取，唯在輪臺一詔中。

遊江雜作

安土墟高雲裏攀，霸蹤化作老禪關。
晚霞如火人回首，一點青螺是魯山。
登安土城墟

曉雲收雨漏殘星，此去龜城幾驛亭。
好在故人應待我，眼中一點膽山青。
發武佐懷澁谷百鍊

香魂已返大湖梅，我亦尋盟訪友來。
一任馬蹄春雪遍，月明林下笑顏開。
訪百鍊

西廂卅二家雜詩卷一
五
撲面梅花歷亂風與君同醉鴨川東金龜城裏今宵
酒又在紛紛春雪中宿北川德之家

春禽呼友曉嚶嚶漾蕩蘆波嫩日晴暖透茅茨能幾
尺南檐幕地雪崩聲全前

和春盡雨窓

春自往來人送迎愛憎何事別陰晴落花雨是催花
雨一樣檐聲前後情

梅

靈均深意秘冰肌不向騷經著一辭多事林逋唱雙
句橫斜爭入俗人詩

詠清初諸子係明遺民者

肩將徵命脫黃冠土穴逃禪二十年不屈寧強躍駁
骨淚痕化碧午門前傅山

倚天拔地鼎君父可俯黎洲與夏峰二曲柴門拒龍
駕唯容雙馬二騾蹤李顥

國家皆破鬢成絲斜日荒江說向誰憐殺滿腔忠憤
血空流觀劇墜輿時林時對

百年灰冷乞師心餘勇治經燈影深應勝朱瑜空臨
海區區身殉萬黃金黃宗義

殘墨模糊寫舊山寸縑尺紙筆耕閑瘦驢下坂人爭

購一簾雲烟落世間徐樹

著作誰嗤迂與憤，刀繩待死六十年。雙騾二馬馱書，

去忠憤消磨短檠前。顧炎武

眼透野乘烟海深，分明紫色與繩音。布衣入局脩前

史，一片忠臣報國心。萬斯同

四面狼烟天地濛，講文高坐翠微峰。慨然自寫興亡

恨，誤被人呼藝苑宗。魏禧

稜稜逸氣欲凌雲，誰以輕疎罵此君。轟飲悲歌妓圍

裏，一腔熱血燦為文。侯方域

鐵堦河野先生名，羅字夢吉別號秀野播磨人

文政八年乙酉生

月夜禁垣聞笛

秋烟如水繞宮牆，輦路無塵午夜涼。滴落月中珠樹

露，有人天上按霓裳。

芳野

山禽叫斷夜寥寥，無限春風恨未消。露卧延元陵下

月，滿身花影夢南朝。

多武峰

園城寺古筆塗少，飛鳥宮空環佩閒。唯有談峰神德

錢堦

在夕陽金碧照寒山

送大乘律師入京

戒香散處岳雲移及此經行自在時
花外錫鑼聲不斷春風二十五威儀

日光雜詠原五首

疎點鳴廊夜氣濃坐知暗雨度深松
一龕燈火四分律聽盡興雲人定鐘

花南樂府題詞

鐵撥連彈古別情丈夫兒亦可憐
生綠波芳草恨時淚併入大江東去聲

風雲兒女亦同工本色兼存阿堵中
不怪岳翁肝膽鐵長傳一曲滿江紅

餘寒

餘寒脉脉透爐烟欲換春衣未卸綿
和睡香奩詩半卷朱欄細雨牡丹天

答東條子感問播州

吾鄉山水本超凡澹蕩烟波開鏡函
十里垂楊風不斷家家門外有春帆

讀清諸人詩原十首

說詩原不出三唐一代風流各主張
我在近時推二

安政十二家絕句卷下 鏡堦

子曝書亭又對經堂
詩尚性情無古今
宮商誰得用心深
御書敬業堂三字
不負烟波查翰林

浪華書感

懸壺市上鬻奇香
道是仙傳是禁方
一樣轉丸誰辨得
弃他蘇合取蠅螂

遊天王寺歸路過西坂諸寺

冉冉紅塵拂不開
發心門外進香回
夕陽冷落珊瑚寺
誰為英雄酌一杯

孤鴈

孤雲片月影相憐
秋入蘆花又一年
不比上林金孔雀
海棠風暖抱雌眠

管丞相

西都風月付長嗟
回首浮雲是帝家
一去騎龍仙跡杳
空留正氣在梅花

六如上人塔

兜率天堂拂袂還
空留舍利在人間
江西詩法誰相問
一片閒雲舊住山

花史

林白評紅下筆難
一篇自叙已開端
梅花本紀牡丹

安政十二家絕句卷下 錢堉

傳我是東皇新史官

醉歸

醉下江樓月在沙肩輿送夢夕歸家厨娘已解解醒
法一勺清泉煎葛花

閱家乘有感

南海風潮卷血腥千年廟貌閱威靈子孫如問先公
業讀我鐵兜書院銘

釋褐

寂寞江邊一把茅沙鷗相識定相嘲十年身分盡上
九却假神著問變爻

誠軒齋藤先生名正格字致卿拙堂先生男文

政九年丙戌生

曝書

攤却二三千卷書風前檢閱午眠餘吾無碧海掣鯨
手且向閒窓誅白魚

秋曉嵐山觀楓

殘月斜明楓樹叢朝魚聲動梵王宮山紅澗碧三十
里人在昌黎詩句中

廣島

豪門別墅占林邱翠榭朱欄映水流宴罷半宵人散

誠軒

盡月高四十八城樓

周防道中

連朝寒雨又酸風，獨取長途類轉蓬。回首浪華千里家，山更在浪華東。

詠閑庭松歌題

蕭然不受陌頭塵，飽閱風霜幾百春。落落豈無棟梁用，閑庭高卧老龍鱗。

題前赤壁圖

滿目江山舊戰圖，英雄魂魄有誰呼。洞簫吹起孤舟月，地下周郎頌曲無。

秋夜

夜深厖馬噉殘菑，落木秋風冷逼膚。滿腹殷憂耿難睡，更挑燈火讀陰符。

岐岨道中

僮僕相呼涉澗隅，亂山環合水縈紆。石蟠巖仄人如蟻，續續穿過九曲珠。

寒林噉噉斷猿呼，支枕幽窓夢正蘇。秋雨秋風妻子驛，一燈明暗客身孤。

齋正十日，夜公召臣格等于便坐談論古今。親賜花糕茶賦，此紀息。

誠軒

銀泥玉屑勝熊膳，濫竽自慙為素餐。其奈阿爺隔千里，無由分賜拜殊恩。

米價騰踊貴於玉，黎庶生計太酸辛。若為化得賜千億，分與荒村菜色民。

仲國尋小督圖

荒村何處著金鞭，竹落蓬門月色娟。唯有琴心藏不得，秋風一曲想夫憐。

十月六日我公率老臣以下騎遊北郊格亦與焉

三百餘蹄蹴北風，驄驥騅驕鐵連驄。黃花籬落紅楓

寺都在鞭絲笠影中

阿漕浦

長堤斗入水成灣，子母弄波鷗鷺閑。忽地狂風吹海立，驚濤失却尾州山。

歸棹遙穿潮路雲，五更城鼓揭蓬聞。喬松斜月管三廟，衰柳殘燐平二墳。

柳陰垂釣

手投香餌坐新陰，魚子怡然春水深。一縷釣綸應看錯，萬絲柳影漾波心。

四月念五日代家君率部下銃卒訓練於演

安政州二家紀略卷下 誠軒

武莊詩以紀之原五首

風動旌旗，雲影冷日輝。礮銃電光明，自嗤平素弄毫
手。又把長鞭麾衆兵。

別業茶磨山房十二詠節

急雨跳珠，撲野篁萬竿。烟霧想瀟湘，日光忽漏金蛇
掣。上下翠雲千尺長。竹裡徑

灑面水風殘，醉醒蒼然暮色到。山亭潮來海上濤聲
絕，除却布帆天地青。觀海亭

松島家里先生 名衡字誠縣別號無能有味齋

主人伊勢人寓平安文政十年丁亥生

遊瑞巖寺戲題

亂石生雲朝滄澹，飛泉吹雨暮空濛。觀音亦在高唐
夢，立盡朝雲暮雨中。

客中雜詩

客中強向酒亭過，不似家鄉魚蟹多。好去長程一千
里，秋風五瀨舊烟波。別鄉人
憑吊荒墳感慨長，滿山草木盡淒涼。誰知一劑丈夫
淚，不灑窮途灑戰場。過古戰場

回鄉示龜井有常

剪盡春燈一穗紅，酒杯重與故人同。
夢中夜夜曾相見，相見翻疑是夢中。

病後作二首

緋衣遠駕赤虬迎，白玉之樓方落成。
好是菲才不中用，天公還我舊書生。

病卧秋風落葉村，錯煩知舊賦招魂。
此生肯向道山去，猶有人間未報恩。
傳人或死

旅食

旅食龍鍾年涉三，故鄉回首感何堪。
秋風曾灑別離

淚殘月衰楊古飯南

題畫四首

凡旆俗李虛鳴世，魏紫姚黃漫僭王。
獨有櫻花鐘正氣，春風萬古瑞雲香。
櫻花圖

帝陵年古石麟空，草長山櫻香霧中。
應是鬼神朝已散，颯然一道落花風。
芳山圖

特詔殷勤起隱淪，不知何意去垂綸。
故人今日為天子，君即新臣非故人。
子陵釣臺

鑿與北狩滯還期，良嶽豪華跡已移。
憐殺一雙太平雀，依然長立萬年枝。
徽宗花鳥

謝小浦明府惠硯

一副硯材無力購，賣文生計太寒酸。累人仲叔君休笑，不索豬肝索馬肝。

秋雨

花下金樽月下簫，一場春夢水迢迢。飄零未抵仙緣絕，秋雨重過舊石橋。

讀史二首

徒慕李家文物盛，枉教皇國武威輕。入唐畢竟成何事，遺恨當年留學生。

一從皇子奉蕃神，萬乘尊猶甘捨身。苦諫曾無韓愈

表歷朝學士是閑人

悲喜

一悲一喜轉車輪，化匠何心弄殺人。昨日東鄰賀生子，今朝吊死向西鄰。

題自畫秋江圖

劍書落魄滯平安，鷗鷺水雲盟久寒。秋雨瀟瀟故園竹，何人截作釣魚竿。

送詩三首

菜衣好向故鄉還，客裏年光瞬息間。想見倚閭情正切，秋風月冷棄姨山。白井生歸信濃。

松島

松島

一窓螢雪惜分陰，歲晏省親歸故林。知汝再游期不
錯，倚閭情是斷機心。藤田生歸丹波

一朝分手再逢難，腸斷旗亭杯酒間。芳草落花春欲
暮，遠歸人向勿來關。岩淵生歸陸輿

讀東坡養士論有感

秀傑都成無用民，忍饑長守布衣貧。皇州風土一何
美，百萬布帛不噬人。

答一詞友嘲予論詩少許可

嫫母縱能凝艷粧，如何惹得牧之狂。世間果有傾城
在，鐵鑄人身亦斷腸。

梅癡上人 名秦同字白純別號小蓮社主人阿

波人寬政五年癸丑生

梅花絕句

星月晶晶夜氣澄，暗香微撲佛龕燈。一株擎雪紗窓
外，瘦影疑他斷臂僧。

奉謁華頂大王宮中偶成

海棠庭院日方長，寶鴨燒殘百和香。獻納詩成猶在
袖，隔花宮漏報斜陽。

花後書感

紅血淋漓迸地新，宿粧殘粉亦傷神。梁王司馬今何

東坡詩集卷一 梅花

在不免風刀斬美人

平安客舍作

客居日久熟於家半在京華半浪華
苔砌春融連夜雨雖非吾土也栽花

石山口號

法雲圍繞妙容姿想見當年搦管時
仍是黃昏湖上月一痕纖影學蛾眉

遊金澤往來得八絕句

黑雲翻處小舟孤鬼火魚燈兩有無
浙瀝聲喧蘆荻雨賽西湖上看跳珠

夾崖紅葉暎寒波群鴨浴邊秋水多
記得去年湖上路長橋烟雨買青蓑

冬夜聽雨

疎疎點滴繞茅檐人與彌陀俱一龕
小鼎燒香聽到曉始知夜雨是同參

江村即事

人家一簇畫橋東招客青旗閃閃風
櫓窸成龍舟過急桃花影碎半灣紅

殿山看花

芳林閃澹襯斜陽一半山光接海光
行殿無基春草

梅痴

合風花空舞白霓裳

水母寺

近水樓臺帶彩霞，衣香人影日將斜。
梅兒塚上春楊柳，半屬僧家半酒家。

三月八日同大沼子壽小金井看花

蝶意蜂情各自忙，板橋拄杖弄風光。
溪流一道浮花去，流入城中飯甑香。

飯沿途中遇雨宿農家

滑滑春泥一路斜，荒村社近雨如麻。
山僧恰似堂前燕，投宿尋常百姓家。

落花有感

乍茵乍溷一長嗟，垂老情懷感歲華。
安得四禪天上住，却風吹不到高花。

曉行聞鶻

蔥朧竹樹月西傾，中履飄然趁曉程。
三界無家歸豈得上頭空，費子規聲。

夜過東橋

一橋橫卧曲於弓，吟袖飄揚午夜風。
明月在天涼似水，出虛聲裏躡長虹。

春雨

安政廿二家新卷下
梅痴

佛天平等大慈悲不用人間說是非昨雨十分膏澤足靈苗毒草一齊肥

詠平家燂次花亭翁韻

豪華洵去浪悠悠蘆荻業邊浸古愁今日英魂歸郭索腥風怪雨海莊秋

田園雜詩

雨氣薰人暖更加晴窓睡起手分茶已知春色到深巷鄰女鬢鬟紅杏花
滿甕新筍靠壁清稻豐村墅沸歡聲老農今已無多子只望釘靴一日晴

天章和尚 名英字肇海別號竺堂又號杞憂菴

主京師人文化十一年甲戌生

絕句

原來斯道屬斯文教海汪洋十二分業債難還舊煩惱堪嗤詩思湧如雲

放言元不涉思惟衝口何曾到捩髭句就笑他先獻佛滿腔煩惱是真詩

不喜長江主簿才宜迓寒拾入天名一囊風月一千首一句未曾呈佛來

枉接俗人吾未曾笑看溪月石床升生平不作腐儒

語自許元亨以上僧

僧詩須帶笋蔬氣豈越派風以競務棘句勾章還自
樂個中長養一天真

自削自評還自笑斯時斯意孰能知勿嫌山野多生
語亦異人間爛熟詩

靈澈皎然何滿意瘦權癩可不懸牙顛將寒拾偕携
手吟詠永離煩惱家

詩人愛影如山雞不道文章等刃醫要寫斯心難寫
處到頭何物是根抵

有聲之畫無聲詩宜付人間解事兒丈夫面上施紅

粉不止欺久亦自欺

文章別有祖師風只要此心空又空可向儒林奉正
朔我為緇苑鄭成功

閑語浮詞果何用漫然句就不須刪一生所賴唯雙
眼照見古今天地間

無復能吟白谷翁而今何處寄詩筒須知意匠在言
外工得工時不隨工

一點靈光方寸存詞泉脈脈有真源吾曹所養性情
耳此是詩家活法門

須將嘯詠養玄真遮莫世間錢有神無礙天懸無價

月始知詩句在清貧

眼見耳聞非一端等閑難破鐵疑團面前如是數峰

碧識取詩禪沒兩般

豪篇雋句細論評枯髓凋肝太瘦生不向寒山喫冰

蕊爭知詩骨一番清

禪於熟處彌韜晦詩向敲邊益發揮畢竟看來同一

轍明珠長掛比丘衣

從自瞿曇拈一華兒孫捧唱亂如麻誰知祖祖開宗

力不獨龍天神鬼加

逢人劈面說宗乘說到痒心何免矜但是緘却個多

口江山隨處作詩僧

說到人情方始詩吟鞭孰問著先遲祇今作手遍湖

海多是輕浮無用詞

誰知一拙勝千工橐籥風先別漏風不用強穿渾沌

去看來天地本空同

丘也時哉不遇時浩歌空唱泰山詞吾生爭死五千

卷死始學禪應未遲

頑石從來臭味同層冰眼底可渾融蕭閑尤有謫居

想闔寺道人言不通

須將冰雪沁心脾倒浪顛波無力支一點可中藉口

意熒熒唯有夜燈知

本來面目太微微赤肉團心是弊衣誰知大解脫之
力劈破虛空拋鐵圍

似聞翅鳥吼高旻習空華看不真二十餘年畫中
劍今晨龍變入延津

佛面何緣見厥全五天月落二千年斯遊宛似磨浮
海萬里長風一葉船

名蓋到處幾千緇一箇難真澆末時剃染由來尊隱
操草山妙子是吾師

清狂道人 名月性周防人文政紀元戊寅生

無題

文字目中無一丁唯能句讀誦三經荒唐妄說大乘
法姑使門徒亦妄聽

文章博士花開筆經學先生理剖毫實用一錢猶不
直虛求聲價萬金高

講張巧惑下愚民禍福無門托國神何益六根清淨
袂一生不掃我心塵

戲題梅菊競色詩卷後

秋霜粟里先生徑夜月孤山處士家軒輊莫爭梅菊

品兩徵士愛兩名花
已嫌黃菊落英餐何況青梅一點酸
我愛仙桃分半味玉童餘唾未全乾

春月

半罩輕烟半淡雲春宵對酒輒思君
可憐簾外黃昏月早被梅花占二分

聞草場立大舟路東上遙有此寄

碧波三十六洋平此日間君上海程
無數春帆煙雨裏何舟載得故人行

送別

烟波一棹放歸舟古渡潮生夕照收
無限離愁無著處殘楓枯荻滿江秋

晚涼二首

茉莉芙蓉秋海棠一籬花繞野僧房
無端新月來相照疎影幽香共晚涼
湘簾如水月初昇滿地新涼露欲凝
浴罷南軒貪小卧黃昏未點讀書燈

再入廣島

曾繫扁舟近酒家春江水蘸綠蘆芽
重來買醉秋方老雪白西風兩岸花

訪淡海虞淵老師

雖東寒雨上香臺，同醉碧梅花底杯。餘興隔年猶未盡，湖天春雪訪君來。

辛亥新春

荒村迎歲不知新，雨雪猶寒餓草人。獨有梅花魂未死，東風吹返一枝春。

前參政村田松齋翁山莊十二勝詩

圓通寺曙鐘

山中高枕睡方濃，一任蒲牢吼曉峰。憶起朝堂參政日，十年坐待五更鐘。

嵩山歸鴈

七十未灰憂國心，其如人世少知音。退栖春老嵩山下，目送歸鴻撫素琴。

東廬山翠嵐

三間小築面東廬，淨几明窗好隱居。靜坐悠然對山久，不知嵐翠潤琴書。

通浦寒濤

水戰由來難講明，諸生席上易言兵。不知漁隊驅輕舸，直截寒濤掣巨鯨。

甲寅秋日偶作

清狂

兵庫津東是湊川微軀顛向水邊捐勤王一戰死埋骨便與楠公共墓田

除夜

餘震未休歲亦殘西風暴發晚來寒天災地變又人事付與燈前一浩歎
憂世傷時坐不眠孤燈影裏送殘年中心鬱似堅冰結且待東風得渙然

安政三十二家絶句終

附錄

雲嶺石野先生 名世彞字希之別號天均駿河人寬政二年庚戌生

賜春館 皆梅園十咏之一以下二首同

萬梅周匝玉成叢山館凝春瑞靄籠別有准三宮裏賜九天香送大王風

菅林堂

北野神威何赫灼西湖仙迹更芬芳風騷高雅梅花愛未必茅堂減玉堂

小香園

安政卅二家絶句卷下 雲嶺

隨時培溉課僮奴，領略春風三百株。是亦閑人為政也。鹽梅調鼎那於吾。

雨烟硯

峽山神秘雨冥冥，維石吐雲知有靈。何物千鈞夜提去，猛然槌碎一溪青。

碁子金

甲人鑄得甲人傳，上幣制殊碁子圓。富國肥民計然計可方，東奧有方錢。

驟涼

爽然滌暑雨初收，梧葉摧邊夕月幽。癡坐手閑如有

失冰紉拋在竹林頭

關羽

威振華夏凜英風，五帑齊名恐不公。千歲爭光輝蜀漢將軍之義武侯忠。

二曾我

吞恨多年共雌伏，報讎一夜忽雄飛。固於山岳源公陣不省原鴉入獵圍。

平相國

填海為洲真足偉，截巖通舶豈非雄。莫將權勢廿年事枉掩濟民千歲功。

雲嶺

十六

靜妓奏舞圖

舞衣掩淚，上場遲別鳳。離鸞八曲時，銅鼓徒教大臣。拍更無和樂，及填麩。

戊申至日

三蕉引醉，老懷伸舉坐。暖生懸炭辰，且掩春風不消雪。白頭故戴一陽巾。

己酉新正

梅園清氣入芳辰，老健又逢林野春。手斫瓊枝試扶步，笑吾已作杖鄉人。

題松柏同春圖為某明府囑

天陵太谷四時春，凜烈風威徹九旻。誰識怪根蟠屈裏，玉膏滴得及生民。

節婦嘆節婦某氏女也其夫為人不可遺一紙書伏刃而死

到底生前納諫難，衷情溢帟太淒酸。貞心冰徹滿腔血，傾瀉良人熱肺肝。

送雲山老人西遊

角巾野服水雲筇，玩世庶幾高士風。不向侯門求善價，行吟自喚賣詩翁。

甲寅臘月立春後一日同諸子探梅於橫目村往來得二十絕錄五首

雲嶺

野迳霜晴抹暖烟，
膈殘春意欲驚天。
老來百事落人後，
獨到看梅不讓先。

麥秧經雨綠初勻，
野餉班荆笑語親。
耕父不同沮溺輩，
殷勤指示早梅津。

梅畔霜泥欲沒鞞，
賞心凝立岸之阿。
我其不折人其折，
柰此一枝寒玉何。

屋壁傾頽震後村，
豈無善政及窮民。
吾曾與邴差相似，
只問梅花不問人。

山翁矍鑠健天資，
為侑壽杯吟壽詞。
真作村莊一佳話，
碧雲箋繫白梅枝。

路過九十一村家主翁太健云年

梅隱尾池先生 名世璜字玉民別號松灣讚岐人

望五劍山

滿山綠樹鬱蒼蒼，
中有危峰列劍鋌。
緬想龍舟南渡日，
幾人回望割愁腸。

杏花春雨

杏花一樹燦簾櫳，
纖雨飄絲細細風。
燕子無聲春晝靜，
冷烟淡罩滿枝紅。

加藤肥州圖

賤岳風雲曾奮武，
鐵槍馳突猛於犀。
竹枝亂繫北人

頭鮮血滴為鞍上雨

枕

靜窓長是伴衲衾高卧常教夢思深凍水要醒安石
睡方圓界斷二公心

鳩

林梢谷谷弄春聲二月東風花滿城我正養慵無意
出從渠呼雨又呼晴

早秋雜述

朝來爽氣入蓬廬一葉梧桐委地初却恐今秋撞價
踊街頭早已賣駱魚

林蟬聲絕暮烟青童子相呼各下庭一髮繫將雙黑
豆爭投空際釣蜻蜓

夏日山家傲藥名體下首

松桂枝繁露氣清新蟬蛻殼試吟聲山村五月暑威
薄荷篠人穿短褐行

秋日江村即事

苔滑石磯留雨痕晚波漂蕩荻蘆根敲詩野菊花邊
立斜日歸牛黃葉村

早春雜詩

賀歲紛紛往復回雙松暎戶翠烟開黃昏投刺人歸

盡別有紅裙拜夜來

陶靖節

憤惋無如晉鼎遷，脚跟羞踏宋山川。
華端賴有神通力，闢破桃花一洞天。

赴高松途中口占

鳴蜩嘒嘒綠陰涼，六七人家枕野塘。
一路彎環松水轉，滿畦風露稻花香。

對松軒即目

雨後園池水更清，微風渡處穀紋生。
夕陽倒浸假山影，幾個鯽魚松上行。

天江江馬先生 名聖欽字正人近江人住平安

文政八年乙酉生

元日自述

紛然投刺賀嘉辰，破卵歡聲鬧四鄰。
一笑吾家寒徹底，冰簾雪硯又迎春。

二月十八日與諸子散策西郊

淡日微風弄午晴，穿泥細草綠爭生。
香雲一塢模糊白，不是殘梅即早櫻。

曉望嵐山

峽口模糊曉霧封，寺門不見只聞鐘。
紅暉射處忽明

媚峰外櫻花外峯

一春無詩自解嘲

春事匆匆夢裏移，只須把酒對花枝。苦吟方覺是身累，畢竟無詩勝有詩。

贈月性上人

此心豈是外津梁，憂國憂時不暫忘。瘦頸隆肩雙碧眼，人前振錫說邊防。

抵浪華舟中

雨灑蓬窗忽復晴，青山白鳥眼先明。平生空有江南夢，今日江南夢裏行。

江州詞

萬頃平湖何所似，一區明鏡絕纖埃。東山西嶺爭姿態，碧側青斜落影來。

題兄快堂画

落魄都門事總非，鷗盟鷺約久相違。阿兄也未無斯感，寫出當年舊釣磯。

苦熱

一領蕉衫猶覺重，困眠偏與枕相親。隔簾竹影有時動，只是清風不到人。

菊花

金英才發酒頻賒，踴躍看來到日斜。只是花中偏愛菊，不緣向後更無花。

畫菊

枝枝殘菊倚蒿萊，手展霜縑看一回。三徑荒涼定如許，野人何事不歸來。

小園雜吟

素馨先已雪成堆，茉莉芙蓉次第開。多謝清風吹不散，眾香約向一窗來。

重過以友松橋野逸舊寓僧寺

記曾清夜叩巖扃，月下同繙貝葉經。今日重來君不

見寒烟暮雨佛燈青

曉發

群鴉亂噪樹冥冥，殘睡據鞍過短亭。一道朝暉破寒霧，馬頭突兀數峰青。

天津驛酒樓作

起倚危欄眼豁然，平湖萬頃水連天。羣山一樣如螺髻，不辨家鄉何處邊。

江州途上

征鞍衝暮過長橋，燈火一星前驛遙。腸斷琵琶湖上路，寒蘆枯柳雨蕭蕭。

細香王姑寫越溪秋色圖見寄時丙辰晚秋也

匠心寄在絲毫端寫得越溪秋色看今日知君多感慨同遊者舊盡凋殘

題自畫牡丹

帶雪梅猶絨素蕊傲霜菊已萎金葩歲寒天地嫌枯寂故寫人間富貴花

除夕自述

枯腸搜盡竟無奇身後流傳安可期我與閨仙家法異年年除夕例愁詩

精河渡邊先生名業字子勤一字淳平別號松

坪本姓森春濤先生弟住攝津文政丙戌生

出鄉

殘梅經雨落斑斑獨策羸驂出故關一路纔西寒若刺天邊雪白膽吹山

下澱水

曲渚迴汀百里程水禽拍拍弄春晴烟波不動櫓聲穩卧看桃花過澱城

天保山酒樓即曠

海樓凭檻望秋螺萬里寒潮澹不波天際孤帆欲無

影片雲拖雨過須磨

美人退宴圖

宴罷歌殘已二更紅樓面面下簾聲滿階風露涼如
冰茉莉香中看月行

中秋

客床留客酒盈樽月到天心露氣繁豆莢芋魁亦堪
醉中秋風味似家園

雨夜夢家山覺後有作

芭蕉葉響夜來聲膝下團藥弟與兄一枕驚回身是
客孤燈聽雨浪華城

浪華雜詩

雪意沈沈冬末天江風浙浙逼肌寒市中新賣山雞
肉箇箇檐燈畫牡丹

浪華呼猪曰山雞

春宵

柳梢春月可憐宵剪剪輕風酒半消猶有玉人眠不
得隔花吹徹一枝簫

別後奉懷春濤兄

別後殘燈燃客愁竹窻風雨靜於秋可憐今夜對床
夢弟向城州兄攝州

三嶋江所見

安政卅二家新句卷下 十四
殘柳疎籬倚野塘，鯉魚風裏一江長。秋波潏灩平如席，無數輕帆帶夕陽。

螢

江柳帶光涼，意搖水花和影暗。香飄夜深雨絕無人，見也向松堂照寂寥。

過山寺

松門竹塢小橋東，絕頂茅庵仄徑通。木魚敲斷秋山靜，滿樹蟬聲夕照中。

舟泊浪華

浪華城外水迢迢，一點漁燈照暗潮。夜半鐘聲驚客

枕，啼鳥落月小楓橋。

雪夜寄僧

滿庭僵竹壓檐牙，半夜風頭雪更加。借問老僧當此夕，也持何呪保梅花。

蓮池浴鷺

水光倒蘸半裙霞，恍見西家人浣紗。雙鷺浴來波漾漾，芙蓉蕖香動一池花。

買園

買斷荒園剪草萊，鑿池移石養青苔。別留餘地君知否，要倩橐駝栽樹來。

題畫

江頭雨過夕陽斜江上春山麗似霞昨夜繫舟何處岸一篙新水漲桃花

路轉峰回三四里潺湲繞舍前溪水柴門客去日猶長滿地落花啼乳雉

偷閑半日逐晴行竹塢松林仄迳橫不問招提在何處晚花殘照木魚聲

石階泉滴茶烟綠知有幽人睡初足落盡山花無客來滿溪微雨看鷗浴

附錄終



東坡先生詩集卷之...

注者有文政十七家絕句及天保嘉永諸家絕句相繼布世頃擁萬堂主人又有安政三十二家之刻蓋

昭代奎運占治道世隆名家

詩有吐性靈者華絢爛足以救
飭太平矣但文政以下三選之出
前後每有災變或地震洪水或
飢饉海嘯而去歲之卯關東地大
震至今冬此選這成是雖屬偶然
亦非無關係焉凡人有所做而進

有所激而振故堯湯遇水旱而
聖德益明漢文景之世天災地
異冊不絕書而政事益修詩雜
小伎抑有類此者輒予閱文政
以下諸選聲調風格每出必變
愈變愈新至此選更加精巧豈

非有所激而然乎嗚呼災異既
熄而待送不窮自今而後予
不知其變化可庶止也

安政丙辰嘉平月

韜庵家長博識



迂叟 巖谷脩書



48-13520

安政四年丁巳仲春稟准刊行

近世名家詩鈔

古今諸體

近刻

江戸日本橋通二丁目

須原屋茂兵衛

日本橋通二丁目

山城屋佐兵衛

大坂心齋橋南二丁目

敦賀屋九兵衛

心齋橋筋北久郎町

河内屋吉兵衛

心齋橋筋博勞町

河内屋茂兵衛

京都五條通堺町東入

菱屋友七郎

寺町通五條上

山城屋佐兵衛

寺町通高辻上

勝村伊兵衛

寺町通五條上

額田正三郎

書

肆

010190524790

